


Bwletin Chwarterol Cymwysterau Galwedigaethol ac Eraill: Chwarter 1 (Ionawr – Mawrth 2018) i Gymru

Uchafbwyntiau, Chwarter 1 2018

14 Mehefin 2018

Cyfanswm y Tystysgrifau

Siart 1: Cyfanswm y dystysgrifau yn y pum mlynedd diwethaf



Ffynhonnell: Casgliad data cymwysterau galwedigaethol Ofqual gan gyrff dyfarnu



Dyfarnwyd **53,670** o dystysgrifau rhwng mis Ionawr a mis Mawrth 2018, sef gostyngiad o **1.2** y cant o gymharu â'r un chwarter yn 2017, pan roddwyd **54,310**.

Rhwng mis Ebrill a mis Mawrth 2018 rhoddwyd **420,075** o dystysgrifau, sef gostyngiad o **12.3** y cant o gymharu â **479,120** rhwng mis Ebrill 2016 a mis Mawrth 2017.



Y prif achos dros y gostyngiadau hyn yw'r newidiadau i'r cymwysterau sy'n gallu cyfrif tuag at Fagloriaeth Cymru.

Y datganiad hwn

Mae'r datganiad ystadegol hwn yn cyflwyno gwybodaeth i Gymru a gasglwyd gan Ofqual oddi wrth gyrff dyfarnu. Mae'n cynnwys data ar yr amrywiaeth a'r nifer o dystysgrifau cymwysterau galwedigaethol a chymwysterau eraill a roddwyd yn ystod mis Ionawr – mis Mawrth 2018. Mae'r ystadegau hyn yn cael eu datblygu dros amser, felly rydym wedi eu categorio'n ystadegau arbrolfol. Maent yn cael eu cyhoeddi yn unol â'n cydymffurfiaeth wirfoddol bresennol â'r Cod Ymarfer ar gyfer Ystadegau (gweler [cyflwyniad](#)).

Cynnwys

| | |
|----------------------|--------------------|
| Cyflwyniad..... | 2 |
| Ystadegau..... | 7 |
| Rhestr termau..... | 16 |
| Nodiadau cefndir.... | 18 |

Ystadegydd: Stefanie Taylor 01633 373 275

Ymholiadau gan y wasg: 01633 373 216

statistics@qualificationswales.org

comms@qualificationswales.org



CYFLWYNIAD

Cymwysterau Cymru yw rheoleiddiwr cymwysterau nad ydynt yn raddau a'r system gymwysterau yng Nghymru. O dan Ddeddf Cymwysterau Cymru 2015, ein prif nodau yw sicrhau bod cymwysterau, a'r system gymwysterau yng Nghymru, yn effeithiol o ran diwallu anghenion rhesymol dysgwyr yng Nghymru, a hyrwyddo hyder y cyhoedd mewn cymwysterau ac yn y system gymwysterau yng Nghymru.

O bedwerydd chwarter (Hydref-Rhagfyr) 2017, rydym wedi cyflwyno adroddiad ar dystysgrifau a roddwyd ar gyfer cymwysterau galwedigaethol a chymwysterau eraill i Gymru. Nid yw'r data hyn yn cynnwys cymwysterau TGAU, UG, Safon Uwch, Dyfarniadau Estynedig Uwch, cymwysterau Prif Ddysgu na chymwysterau Prosiect. I ddechrau, rydym yn defnyddio data a gasglwyd gan Ofqual oddi wrth gyrff dyfarnu, ond rydym yn gweithio tuag at gasglu ein data ein hunain ar y cymwysterau a reoleiddir gennym. Cyn y chwarter hwn, Ofqual¹ oedd yn casglu ac yn cyhoeddi data ar gyfer Cymru. Rydym wedi ceisio sicrhau, hyd y gellir, fod yr ystadegau hyn yn gyson ag ystadegau hanesyddol Ofqual.

Yn y datganiad hwn, rydym yn cyflwyno data a gasglwyd gan Ofqual ar yr amrywiaeth o gymwysterau galwedigaethol a chymwysterau eraill a thystysgrifau a roddwyd yn ystod chwarter 1 2018 (Ch1 2018). Mae'r ffigurau yn cyfeirio at nifer y tystysgrifau, wedi'u talgrynnu i'r 5 agosaf, a ddyfarnwyd gan gyrff dyfarnu rhwng 1 Ionawr a 31 Mawrth 2018. Nid yw'r ystadegau hyn yn cyfeirio at ddysgwyr unigol, oherwydd gallai dysgwr fod wedi ennill nifer o dystysgrifau mewn unrhyw gyfnod penodol a gyflwynir yn y datganiad hwn.

Mae'r data a gasglwyd yn ymwneud â chymwysterau galwedigaethol a chymwysterau eraill a restrir ar gofrestr Ofqual a/neu gronfa ddata Cymwysterau yng Nghymru (QiW)². Mewn rhai achosion, rhestrir yr un cymwysterau ar gofrestr Ofqual a QiW.

Cydymffurfiaeth Wirfoddol a Statws Ystadegau Arbrofol

- Cawsom ein dynodi'n gynhyrchydd Ystadegau Swyddogol yng Ngorchymyn Ystadegau Swyddogol (Cymru) 2017.
- Byddwn yn ystyried cyflwyno cyfresi ystadegol swyddogol ar gyfer tystysgrifau a roddir yn ystod y flwyddyn academiaidd 2018/19.

¹ Ofqual (2017) *Changes to the publication of geographical breakdowns of data*. [Ar-lein]. Ar gael yn: <https://www.gov.uk/government/news/changes-to-the-publication-of-geographical-breakdowns-of-data> [Cyrchwyd 27 Chwe 2018].

² Mae QiW yn gofrestr o gymwysterau rheoleiddiedig sy'n gymwys i gael arian cyhoeddus yng Nghymru.

- Yn y cyfamser, rydym yn cydymffurfio'n wirfoddol â'r Cod Ymarfer ar gyfer Ystadegau. Mae hyn yn golygu ein bod yn dilyn egwyddorion canlynol y Cod, fel y'u hamlinellwyd yn ein datganiad o gydymffurfiaeth wirfoddol a gyhoeddir ochr yn ochr â'r datganiad hwn.

Rydym wedi categorio'r ystadegau hyn yn rhai arbrefol am y rhesymau canlynol:

- Yn gyntaf, ceir rhai gwahaniaethau yn y data a gynhwysir yn y cyhoeddiad hwn o gymharu â'r hyn a gyhoeddwyd yn flaenorol gan Ofqual i Gymru.
 - Ar gyfer y chwarter hwn, nid ydym wedi nodi tystysgrifau a roddwyd ar gyfer unrhyw gymwysterau a gynigiwyd gan gyrff dyfarnu nad ydynt wedi'u cydnabod yng Nghymru. At hynny, lle rydym yn cymharu â chwarteri blaenorol nid ydym wedi cynnwys cymwysterau gan gyrff dyfarnu nad oeddem yn eu cydnabod ar adeg casglu data. Mae hyn yn golygu na fydd cyfansymiau ar gyfer chwarteri a blynyddoedd hanesyddol i Gymru yn cyfateb i'r hyn a gyhoeddwyd gan Ofqual. Dylid ystyried hyn wrth wneud unrhyw gymariaethau â'r hyn a gyhoeddwyd gan Ofqual yn hanesyddol.
 - Nid ydym wedi cynnwys tystysgrifau a roddwyd yn ôl math o gymhwyster, a hynny'n bennaf oherwydd anghysondeb yn y ffordd y dosberthir cymwysterau yn ôl math ar gofrestr Ofqual a QiW.
- Rydym wrthi'n datblygu ein gweithdrefn casglu data ein hunain a'r ffordd rydym yn paratoi ac yn cyhoeddi'r ystadegau hyn, gan ystyried ein cwmpas rheoleiddiol a'r rheswm dros hyn yw:
 - Mae ein dull rheoleiddio yn wahanol i ddull rheoleiddio Ofqual: mae Ofqual yn cadw cofrestr o'r holl gymwysterau a reoleiddir ganddi; mae'n gofyn i gyrff dyfarnu optio i mewn i gymwysterau ar gyfer rheoleiddio. Nid ydym yn cadw cofrestr o'r holl gymwysterau a reoleiddir gennym; rydym yn gofyn i gyrff dyfarnu optio allan o gymwysterau nad ydynt yn dymuno iddynt gael eu rheoleiddio. Efallai y byddwn yn nodi rhai tystysgrifau a roddwyd yn y datganiad hwn ar gyfer cymwysterau nad ydym yn eu rheoleiddio, gan fod rhai o'r cymwysterau a restrir ar gofrestr Ofqual yn debygol o fod wedi'u hildio o ran rheoleiddio yng Nghymru gan gyrff dyfarnu cydnabyddedig. Hefyd, efallai y bydd nifer fach o gymwysterau nad ydynt yn gymwys i gael arian cyhoeddus ac mai dim ond yng Nghymru y cânt eu dyfarnu nad oes cyfrif amdanynt ar hyn o bryd.
 - Byddwn yn gweithio tuag at ddsbarthu cymwysterau yn ôl math yn gyson er mwyn i'r dadansoddiad hwn gael ei gyhoeddi yn y dyfodol.

Dadansoddi cymwysterau

Mae'r cyhoeddiad hwn yn cynnwys dadansoddiadau o dystysgrifau a roddwyd ar gyfer cymwysterau yn ôl Maes Pwnc Sector a lefel. Wrth baratoi'r dadansoddiadau hyn, rydym wedi parhau i ddefnyddio methodoleg Ofqual. Ceir rhagor o fanylion yn yr adran ar 'Methodoleg' yn y nodiadau cefndir.

Mae 'lefel' cymhwyster yn dangos lefel y gofynion i ddysgwyr. Mae'r tabl isod yn dangos y berthynas rhwng lefelau a mathau o gymwysterau galwedigaethol a chymwysterau eraill ar gofrestr Ofqual a QiW. Mae mathau o gymwysterau nas dyfarnwyd yng Nghymru yn 2018 wedi'u lliwio'n las yn y tabl.

| Math o gymhwyster | Lefelau presennol | Math o gymhwyster | Lefelau presennol |
|---|----------------------------------|--------------------------------|-------------------------------|
| Sgiliau Sylfaenol | Lefel Mynediad, Lefelau 1 a 2 | Lefel Uwch | Lefelau 4 i 8 |
| AHGP ⁴ | Lefelau 1 i 6 | AHGC ³ | Lefel Mynediad, Lefelau 1 i 5 |
| Asesu ar y diwedd | Lefelau 2 i 7 | Sgiliau allweddol | Lefelau 1 i 4 |
| Saesneg ar gyfer siaradwyr ieithoedd eraill | Lefel Mynediad, Lefelau 1, 2 a 3 | NVQ | Lefelau 1 i 5 |
| Lefel mynediad | Lefel Mynediad | Cymhwyster 'cyffredinol arall' | Lefelau 1, 1/2, 2 a 3 |
| Sgiliau Hanfodol Cymru | Lefel Mynediad, Lefelau 1 i 3 | Cymhwyster galwedigaethol | Lefelau 1 i 4 |
| | | FfCCh ⁵ | Lefel Mynediad, |

³ Ystyr AHGC yw 'Addysg a hyfforddiant galwedigaethol cychwynnol'. Fe'i defnyddir i ddsbarthu cymwysterau galwedigaethol rhagarweiniol sy'n addas ar gyfer pob oed a gallu (gweler <https://gov.wales/topics/educationandskills/qualificationsinwales/creditqualificationsframework/?lang=cy>)

⁴ Ystyr AHGP yw 'Addysg a hyfforddiant galwedigaethol parhaus'. Fe'i defnyddir i ddsbarthu cymwysterau cymhwysedd galwedigaethol ar gyfer y sawl dros 16 oed (gweler <https://gov.wales/topics/educationandskills/qualificationsinwales/creditqualificationsframework/?lang=cy>)

⁵ Ar 1 Hydref 2015, tynnodd Ofqual ofynion y Fframwaith Cymwysterau a Chredydau (FfCCh) yn ôl. Fodd bynnag, am resymau gweinyddol, hyd at haf 2016, bu modd i sefydliadau dyfarnu barhau i ddefnyddio'r math FfCCh ar system Ofqual ar gyfer cymwysterau newydd pan nad oedd unrhyw fath arall yn briodol. Yn sgil penderfyniad Ofqual, tynnwyd gofynion y FfCCh yn ôl gennym ni hefyd o 1 Rhagfyr 2015. Ar ôl i QiW gael ei chyflwyno ar 1 Ebrill, ni fu modd dosbarthu cymwysterau newydd yn rhai FfCCh mwyach.

| | |
|----------------------------------|-------------------------------|
| | |
| Cymhwyster mathemateg annibynnol | Lefelau 1,2,3 |
| Sgiliau gweithredol | Lefel mynediad, Lefelau 1 a 2 |

| | |
|--|-------------------------------|
| | Lefelau 1 i 8 |
| Cymhwyster sy'n ymwneud â galwedigaeth | Lefel Mynediad, Lefelau 1 i 8 |
| Bagloriaeth Cymru ⁶ | Lefelau 1, 1/2, 2 a 3 |

DYLANWADAU ALLANOL

Bagloriaeth Cymru

Yn sgil 'Adolygiad o Gymwysterau i bobl ifanc 14 i 19 oed yng Nghymru'⁷, a gomisiynwyd gan Lywodraeth Cymru yn 2011, cyflwynwyd Bagloriaeth newydd i Gymru i'w haddysgu am y tro cyntaf o fis Medi 2015. Pan gyflwynodd Llywodraeth Cymru Bagloriaeth Cymru, cyhoeddodd bolisi y câi ei mabwysiadu'n gyffredinol. Golyga hyn fod Bagloriaeth Cymru ar gael i bob ysgol a Choleg AB i'w chynnig, yn hytrach na dim ond y rhai hynny a gymeradwywyd i'w chynnig, sef y sefyllfa o ran Bagloriaeth Cymru ar ei ffurf flaenorol. Pennodd y polisi⁸ dargedau hefyd i ysgolion a Cholegau AB gynyddu'n raddol gyfran y myfyrwyr sy'n sefyll Bagloriaeth Cymru, gyda'r nod o sicrhau y bydd y mwyafrif llethol o ddysgwyr yng Nghymru yn ei sefyll fel rhan o'u rhaglen astudio erbyn 2019/20. Mae Bagloriaeth Cymru ar ei ffurf ddiwygiedig yn cynnwys y Dystysgrif Her Sgiliau. Cynhwyswyd nifer y tystysgrifau a roddwyd ar gyfer y Dystysgrif Her Sgiliau a Bagloriaeth Cymru yn yr ystadegau yn y cyhoeddiad hwn.

Ar gyfer Bagloriaeth Cymru ar ei ffurf flaenorol, gallai cymwysterau Sgiliau Allweddol a Sgiliau Hanfodol gyfrif tuag at y dyfarniad (ochr yn ochr â chymwysterau eraill). Gallai dysgwyr fod wedi ennill tystysgrifau mewn nifer o gymwysterau Sgiliau Allweddol a Sgiliau Hanfodol i gyfrif tuag at y dyfarniad. Fodd bynnag, nid yw'r cymwysterau presennol ar gyfer Sgiliau Allweddol a Sgiliau Hanfodol yn cyfrif tuag at ddyfarnu Bagloriaeth Cymru ar ei newydd wedd yng nghyfnod allweddol 4, na Diploma Uwch Bagloriaeth Cymru ychwaith. Gall cymwysterau newydd Sgiliau

⁶ Mae'r math 'Bagloriaeth Cymru' yn cynnwys Tystysgrif Her Sgiliau Bagloriaeth Cymru (ar bob lefel) a thystysgrifau Bagloriaeth Cymru a roddwyd ar bob lefel (mae'r olaf yn gofyn i ddysgwyr gyflawni cymwysterau eraill ar lefelau penodedig yn ogystal â'r Dystysgrif Her Sgiliau berthnasol).

⁷ Llywodraeth Cymru (2014) *Adolygiad o Gymwysterau ar gyfer pobl ifanc 14 i 19 oed yng Nghymru* [ar-lein]. Ar gael yn:

<http://gov.wales/topics/educationandskills/qualificationsinwales/revofqualen/?lang=cy> [Cyrchwyd 27 Chwe 2018].

⁸ Llywodraeth Cymru (2017) *Bagloriaeth Cymru ôl-16: cofnodi a mesur deilliannau* [ar-lein]. Ar gael yn: <https://gov.wales/docs/dcells/publications/160524-welsh-bac-cy-v3.pdf>

Hanfodol Cymru gyfrif tuag at Ddiploma Sylfaen Ôl-16 a diploma cenedlaethol Bagloriaeth Cymru. Mae'r newidiadau hyn yn effeithio ar gymariaethau dros amser yn y cyhoeddiad hwn.

Mesurau Perfformiad

Gall newidiadau i fesurau perfformiad hefyd effeithio ar nifer y tystysgrifau a roddwyd ar gyfer cymwysterau galwedigaethol a chymwysterau eraill dros amser, yn enwedig ar lefelau 1 i 3. Er enghraifft, o 2017, cafodd cymwysterau galwedigaethol eu capio i roi uchafswm o 40 y cant o'r pwyntiau ar gyfer mesurau trothwy ysgolion (cyfnod allweddol 4) Llywodraeth Cymru. Yn 2018, bydd Llywodraeth Cymru yn cyflwyno newid arall i fesurau perfformiad Cyfnod Allweddol 4. Ar ôl hynny, dim ond cymwysterau Gwyddoniaeth TGAU fydd yn cyfrif. Yn flaenorol, caniatwyd i gymwysterau gwyddoniaeth galwedigaethol gyfrif⁹.

⁹ Ceir rhagor o wybodaeth am newidiadau i fesurau perfformiad yng Nghymru yn: <https://digidoladata.blog.llyw.cymru/2017/12/06/diweddariad-gan-y-prif-ystadegydd-deall-newidiadau-i-ddata-addysg/>

YSTADEGAU

CYFANSWM Y TYSTYSGRIFAU A THUDDIADAU HANESYDDOL

Tabl 1: Cymhariaeth â'r un chwarter mewn blynyddoedd blaenorol a'r 12 mis blaenorol

| Cyfnod | Chwarterol | 12 mis hyd ddiwedd y chwarter |
|------------------|-------------------|--------------------------------------|
| Ion - Maw 2013 | 93,840 | 582,675 |
| Ebr - Meh 2013 | 172,940 | 609,830 |
| Gorff - Med 2013 | 305,805 | 631,980 |
| Hyd - Rhag 2013 | 68,625 | 641,205 |
| Ion - Maw 2014 | 112,970 | 660,340 |
| Ebr - Meh 2014 | 182,355 | 669,755 |
| Gorff - Med 2014 | 258,805 | 622,755 |
| Hyd - Rhag 2014 | 68,670 | 622,800 |
| Ion - Maw 2015 | 94,055 | 603,885 |
| Ebr - Meh 2015 | 164,575 | 586,110 |
| Gorff - Med 2015 | 295,855 | 623,160 |
| Hyd - Rhag 2015 | 59,645 | 614,140 |
| Ion - Maw 2016 | 85,980 | 606,065 |
| Ebr - Meh 2016 | 114,915 | 556,400 |
| Gorff - Med 2016 | 250,880 | 511,420 |
| Hyd - Rhag 2016 | 59,020 | 510,795 |
| Ion - Maw 2017 | 54,310 | 479,120 |
| Ebr - Meh 2017 | 82,445 | 446,650 |
| Gorff - Med 2017 | 226,540 | 422,315 |
| Hyd - Rhag 2017 | 57,420 | 420,715 |
| Ion - Maw 2018 | 53,670 | 420,075 |

Ffynhonnell: Casgliad data cymwysterau galwedigaethol Ofqual gan gyrrff dyfarnu

Cymhariaeth Chwarterol

Dyfarnwyd 53,670 o dystysgrifau yn Ch1 2018, sef gostyngiad o 1.2 y cant o gymharu â'r un chwarter yn 2017. Mae'r gostyngiad bach hwn yn gyson â'r lleihad yn nifer y tystysgrifau a roddwyd yn chwarter 1 dros y pedair blynedd diwethaf a'r prif reswm dros hyn yw bod llai o dystysgrifau ar gyfer cymwysterau lefel 2, sy'n cynnwys cymwysterau Sgiliau Hanfodol.

Cymhariaeth Flynyddol

Rhodddwyd 420,075 o dystysgrifau yn y 12 mis diweddaraf (Ch2 2017 – Ch1 2018), sef gostyngiad o 12.3 y cant o gymharu â'r 12 mis blaenorol (Ch2 2016 – Ch1 2017).

Gellir priodoli'r naill newid a'r llall yn bennaf i leihad yn nifer y tystysgrifau a roddwyd ar gyfer cymwysterau Sgiliau Allweddol a chymwysterau blaenorol Sgiliau Hanfodol Cymru. Mae nifer y tystysgrifau a roddwyd ar gyfer y cymwysterau hyn wedi lleihau 92,920 yn Ch2 2017 – Ch1 2018 o gymharu â Ch2 2016 – Ch1 2017. Mae'r cymwysterau blaenorol hyn wedi cael eu disodli gan gymwysterau newydd tebyg sydd ond wedi gwrthbwyso'n rhannol y lleihad hwn yn nifer y tystysgrifau a roddwyd.

Y tri chymhwyster Sgiliau Hanfodol a Sgiliau Allweddol blaenorol a gyfrannodd fwyaf at y lleihad cyffredinol yn nifer y tystysgrifau a roddwyd rhwng Ch2 2016 – Ch1 2017 a Ch2 2017 – Ch1 2018 oedd:

- Cymhwyster Sgiliau Hanfodol Cymru Lefel 2 CBAC mewn Cyfathrebu (7,960 yn llai o dystysgrifau wedi'u rhoi)
- Cymhwyster Sgiliau Hanfodol Cymru Lefel 2 CBAC mewn Technoleg Gwybodaeth a Chyfathrebu (6,705 yn llai o dystysgrifau wedi'u rhoi)
- Cymhwyster Sgiliau Hanfodol Cymru Lefel 2 CBAC mewn Cymhwyso Rhif (6,305 yn llai o dystysgrifau wedi'u rhoi)

Chwarter 3 fu'r chwarter mwyaf o ran tystysgrifau a roddwyd yn gyson dros y pum mlynedd diwethaf. Y rheswm tebygol dros hyn yw mai ar ôl diwedd y flwyddyn academaidd y caiff llawer o gymwysterau eu dyfarnu, sef yn ystod chwarter 3. Yn 2017, cafwyd 761 o gymwysterau y rhodddwyd tystysgrifau ar eu cyfer yn chwarter 3 yn unig, gan gynnwys Bagloriaeth Cymru ar ei ffurf flaenorol a diwygiedig a'r Dystysgrif Her Sgiliau gyfatebol. Mae Bagloriaeth Cymru a'r Dystysgrif Her Sgiliau, ar eu ffurf flaenorol ac ar eu newydd wedd, yn ymddangos yn y 10 uchaf o ran tystysgrifau a roddwyd ar gyfer cymwysterau yn Ch3 2017 ac roeddent yn cyfrif am 30.3 y cant o gyfanswm y tystysgrifau a roddwyd yn Ch3 2017.

Yn Ch1 2018 y rhodddwyd y nifer leiaf o dystysgrifau o gymharu ag unrhyw chwarter arall dros y pum mlynedd diwethaf.

TYSTYSGRIFAU YN ÔL MAES PWNC SECTOR

Tabl 2: Nifer y tystysgrifau a roddwyd yn ôl maes pwnc sector

| Maes Pwnc Sector | Cymhariaeth Chwarterol | | Cymhariaeth Flynyddol | |
|---|------------------------|---------------|------------------------|------------------------|
| | 2017 Ch1 | 2018 Ch1 | Ebr 2016 - Maw 2017 | Ebr 2017 - Maw 2018 |
| 01 Iechyd, Gwasanaethau Cyhoeddus a Gofal | 16,230 | 15,965 | 71,800 | 71,865 |
| 02 Gwyddoniaeth a Mathemateg | 155 | 60 | 17,920 | 13,145 |
| 03 Amaethyddiaeth, Garddwriaeth a Gofal Anifeiliaid | 1,610 | 1,275 | 8,320 | 7,200 |
| 04 Technolegau Peirianeg a Gweithgynhyrchu | 4,165 | 3,225 | 25,660 | 23,855 |
| 05 Adeiladu, Cynllunio a'r Amgylchedd Adeiedig | 2,910 | 2,530 | 18,655 | 18,450 |
| 06 Technoleg Gwybodaeth a Chyfathrebu | 615 | 445 | 11,865 | 8,865 |
| 07 Manwerthu a Mentrau Masnachol | 6,270 | 5,480 | 30,620 | 27,730 |
| 08 Hamdden, Teithio a Thwristiaeth | 2,635 | 2,565 | 17,090 | 15,955 |
| 09 Celfyddydau, Cyfryngau a Chyhoeddi | 3,380 | 3,380 | 29,440 | 29,560 |
| 10 Hanes, Athroniaeth a Diwinyddiaeth | 35 | 0 | 260 | 230 |
| 11 Gwyddorau Cymdeithasol | 0 | 0 | 120 | 130 |
| 12 Ieithoedd, Llenyddiaeth a Diwylliant | 1,115 | 1,210 | 12,255 | 13,565 |
| 13 Addysg a Hyfforddiant | 720 | 845 | 3,660 | 3,760 |
| 14 Paratoi at Fywyd a Gwaith | 11,375 | 13,330 | 210,495 | 161,735 |
| 15 Busnes, Gweinyddiaeth a'r Gyfraith | 3,105 | 3,360 | 20,960 | 24,030 |
| Cyfanswm | 54,310 | 53,670 | 479,120 | 420,075 |


Ffynhonnell: Casgliad data cymwysterau galwedigaethol Ofqual gan gyrff dyfarnu

Y sector pwnc mwyaf yn y chwarter hwn oedd 'Iechyd, Gwasanaethau Cyhoeddus a Gofal' lle y rhoddwyd 15,965 o dystysgrifau neu 29.7 y cant o gyfanswm y tystysgrifau a roddwyd yn Ch1 2018, yna 'Paratoi ar gyfer Bywyd a Gwaith' lle y rhoddwyd 13,330 o dystysgrifau, gan gyfrif am 24.8 y cant o gyfanswm y tystysgrifau a roddwyd yn Ch1 2018.

Y sector 'Paratoi ar gyfer Bywyd a Gwaith' a roddodd y nifer fwyaf o dystysgrifau yn Ch2 2017 – Ch1 2018 (161,735). Fodd bynnag, cafwyd gostyngiad o 23.2 y cant yn nifer y tystysgrifau a roddwyd yn y sector hwn o gymharu â Ch2 2016 – Ch1 2017 (210,495). Dosberthir cymwysterau Sgiliau Allweddol a Sgiliau Hanfodol Cymru yn y sector hwn, sy'n debygol o esbonio'r lleihad yn ystod y flwyddyn ddiwethaf ([gweler Bagloriaeth Cymru](#)).

Siart 2: Newid canrannol yn nifer y tystysgrifau a roddwyd yn ôl Maes Pwnc Sector rhwng Ch1 2018 a Ch1 2017

Newid canran rhwng mis Ionawr a mis Mawrth 2017 a mis Ionawr a mis Mawrth 2018



Ffynhonnell: Casgliad data cymwysterau galwedigaethol Ofqual gan gyrrff dyfarnu

Dengys Siart 2 mai 'Addysg a Hyfforddiant' a 'Pharatoi ar gyfer Bywyd a Gwaith' oedd y Meysydd Pwnc Sector lle y gwelwyd y cynnydd cyfrannol mwyaf yn nifer y tystysgrifau a roddwyd yn Ch1 2018 eleni, sef 17.4 y cant, o gymharu â Ch1 2017, sef 17.2 y cant.

'Hanes, Athroniaeth a Diwinyddiaeth' a 'Gwyddoniaeth a Mathemateg' oedd y Meysydd Pwnc Sector lle y gwelwyd y lleihad cyfrannol mwyaf yn nifer y tystysgrifau a roddwyd, sef 97.1 y cant a 61.4 y cant yn y drefn honno. Mae'r sectorau hyn yn gymharol fach o ran nifer y tystysgrifau a roddir.

TYSTYSGRIFAU YN ÔL LEFEL

Tabl 3: Nifer y tystysgrifau a ddyfarnwyd yn ôl lefel

| Lefel | Cymhariaeth Chwarterol | | Cymhariaeth Flynyddol | |
|-----------------|------------------------|---------------|-----------------------|---------------------|
| | 2017 Ch1 | 2018 Ch1 | Ebr 2016 - Maw 2017 | Ebr 2017 - Maw 2018 |
| Lefel Mynediad | 4,270 | 3,475 | 32,855 | 33,390 |
| Lefel 1 | 8,185 | 8,565 | 80,265 | 62,550 |
| Lefel 1/2 | 185 | 25 | 16,295 | 64,380 |
| Lefel 2 | 30,240 | 23,940 | 231,320 | 153,750 |
| Lefel 3 | 9,665 | 15,370 | 111,015 | 95,595 |
| Lefel 4 | 785 | 980 | 2,865 | 4,315 |
| Lefel 5 | 830 | 975 | 3,730 | 4,960 |
| Lefel 6 | 90 | 130 | 560 | 770 |
| Lefel 7 | 55 | 210 | 200 | 360 |
| Lefel 8 | * | 0 | 5 | * |
| Cyfanswm | 54,310 | 53,670 | 479,120 | 420,075 |

Ffynhonnell: Casgliad data cymwysterau galwedigaethol Ofqual gan gyrff dyfarnu

Mae Tabl 3 yn dangos nifer y tystysgrifau a roddwyd yn ystod chwarter 1, o gymharu â'r un chwarter yn 2017, ac yn ystod y 12 mis diwethaf, o gymharu â'r 12 mis blaenorol.

Nifer fach o dystysgrifau a roddwyd ar gyfer cymwysterau lefel 1/2 yn Ch1 2017, a gwelwyd gostyngiad pellach yn Ch1 2018. Fodd bynnag, y cymwysterau hyn oedd â'r cynnydd cyfrannol mwyaf yn nifer y tystysgrifau a roddwyd ar gyfer Ch2 2017 – Ch1 2018 o gymharu â'r un cyfnod y flwyddyn flaenorol, gan gynyddu bedair gwaith bron (gweler tabl 1 yn y tablau excel cyfatebol ar gyfer newidiadau cyfrannol mewn cymwysterau yn ôl lefel). Y rheswm tebygol dros hyn yw bod Diploma Cenedlaethol/Sylfaen Bagloriaeth Cymru ar eu newydd wedd yn cael eu dosbarthu'n gymwysterau lefel 1/2 ac mai dim ond yn ystod chwarter 3 y rhoddir tystysgrifau ar eu cyfer. Ni ddyfarnwyd Bagloriaeth Cymru ar ei ffurf flaenorol ar y lefel hon.

Cymwysterau lefel 2 oedd â'r nifer fwyaf o dystysgrifau a roddwyd yn Ch1 2018, gan gyfrif am 44.6 y cant o gyfanswm y tystysgrifau a roddwyd yn ystod y chwarter hwn. Fodd bynnag, gostyngodd nifer y tystysgrifau 20.8 y cant o gymharu â Ch1 2017. O ran y gymhariaeth flynyddol, cymwysterau lefel 2 oedd â'r nifer fwyaf o dystysgrifau a roddwyd yn ystod y 12 mis diwethaf, gan gyfrif am 36.6 y cant o'r tystysgrifau a roddwyd. Fodd bynnag, roedd hyn yn ostyngiad o 33.5 y cant o gymharu â'r flwyddyn flaenorol. Er i nifer y tystysgrifau lefel 3 a roddwyd gynyddu, o gymharu chwarteri, ar gyfer y cyfnod Ch2 2017 – Ch1 2018, gwelwyd gostyngiad o 13.9 y cant hefyd o gymharu â Ch2 2016 – Ch1 2017. Mae lleihad yn nifer y tystysgrifau a roddwyd ar gyfer cymwysterau Sgiliau Hanfodol a Sgiliau Allweddol yn debygol o fod

wedi cael effaith ar nifer y tystysgrifau lefel 2 a 3 a roddwyd yn ystod y cyfnod hwn ([gweler Bagloriaeth Cymru](#)).

Gwnaeth nifer y tystysgrifau lefel 7 a roddwyd gynyddu bedair gwaith bron, a'r rhain a welodd y cynnydd cyfrannol mwyaf yn Ch1 2018 o gymharu â Ch1 2017. Y rhain hefyd a welodd y cynnydd cyfrannol mwyaf ond un o flwyddyn i flwyddyn, sef 80.9 y cant. Tystysgrif Lefel 7 CMI mewn Rheoli ac Arwain Strategol oedd y cymhwyster lefel 7 a welodd y cynnydd mwyaf yn nifer y tystysgrifau a roddwyd (cynnydd o 155 o dystysgrifau) o gymharu'r tystysgrifau ar gyfer y 12 mis diwethaf â'r 12 mis blaenorol.

Mae nifer y tystysgrifau a roddir ar gyfer cymwysterau lefel 6, lefel 7 a lefel 8 yn dal i fod yn fach o gymharu â chymwysterau lefel is.

Y CYRFF DYFARNU UCHAF O RAN TYSTYSGRIFAU A RODDWDYD

Tabl 4: Y 10 corff dyfarnu uchaf o ran y nifer fwyaf o dystysgrifau a roddwyd yn y 12 mis hyd ddiwedd y chwarter hwn

| Corff dyfarnu | Ebr 2016 - Maw 2017 | Ebr 2017 - Maw 2018 | Safle Ebr 2016 - Maw 2017 | Safle Ebr 2017 - Maw 2018 | Newid Safle |
|--|------------------------|------------------------|---------------------------------|---------------------------------|-------------|
| City and Guilds of London Institute | 94,980 | 89,495 | 2 | 1 | ↑ +1 |
| WJEC-CBAC | 106,745 | 85,960 | 1 | 2 | ↓ -1 |
| Pearson Education Ltd | 87,425 | 62,570 | 3 | 3 | → +0 |
| Highfield Qualifications | 21,805 | 29,685 | 5 | 4 | ↑ +1 |
| OCR | 22,660 | 14,455 | 4 | 5 | ↓ -1 |
| Cambridge Assessment English | 15,175 | 13,100 | 7 | 6 | ↑ +1 |
| Agored Cymru | 8,855 | 12,085 | 10 | 7 | ↑ +3 |
| Associated Board of the Royal Schools of Music | 10,395 | 11,320 | 8 | 8 | → +0 |
| Qualsafe Awards | 9,345 | 11,130 | 9 | 9 | → +0 |
| Excellence, Achievement & Learning Limited | 6,755 | 8,575 | 11 | 10 | ↑ +1 |

Ffynhonnell: Casgliad data cymwysterau galwedigaethol Ofqual gan gyrff dyfarnu

Mae Tabl 4 yn dangos y 10 corff dyfarnu uchaf o ran tystysgrifau a roddwyd yn ystod y 12 mis diwethaf hyd ddiwedd y chwarter hwn, o gymharu â'r 12 mis blaenorol. Mae City and Guilds London Institute wedi disodli CBAC fel y corff dyfarnu â'r nifer fwyaf o dystysgrifau a roddwyd yn ystod y 12 mis diwethaf. Mae CBAC wedi disgyn i'r ail safle yn bennaf oherwydd lleihad yn nifer y tystysgrifau ar gyfer cymwysterau Sgiliau Allweddol a Sgiliau Hanfodol ar eu ffurf flaenorol. Mae OCR wedi disgyn i'r pumed safle o'r pedwerydd safle yn Ch2 2016 – Ch1 2017 am yr un rheswm.

Mae Agored Cymru wedi symud tri safle i'r seithfed safle o'r 10fed safle yn Ch2 2016 – Ch1 2017, yn bennaf oherwydd cynnydd yn nifer y tystysgrifau a roddwyd ar gyfer cymwysterau sydd wedi'u dyrannu ym Maes Pwnc Sector Paratoi ar gyfer Bywyd a Gwaith, gan gynnwys rhai o gymwysterau diwygiedig Sgiliau Hanfodol.

Mae Pearson Education Ltd wedi aros yn y trydydd safle ond mae wedi rhoi 24,855 yn llai o dystysgrifau yn ystod y 12 mis diwethaf (gostyngiad o 28.4 y cant). Gwelwyd

gostyngiadau mewn amrywiaeth o gymwysterau a gynigir gan Pearson Education Ltd ond y rhai mwyaf nodedig oedd ar gyfer tystysgrifau BTEC lefel 2 mewn gwyddoniaeth gymhwysol a chymwysterau Sgiliau Hanfodol Cymru lefel 2 ar eu ffurf flaenorol. Mae'n bosibl y gellir priodoli'r lleihad hwn yn nifer y tystysgrifau a roddir ar gyfer cymwysterau BTEC lefel 2 mewn gwyddoniaeth gymhwysol i newidiadau yn y mesurau perfformiad (gweler [dylanwadau allanol](#) am ragor o wybodaeth).

Y CYMWYSTERAU UCHAF O RAN TYSTYSGRIFAU A RODDWDYD

Tabl 5: Y 10 cymhwyster uchaf o ran y nifer fwyaf o dystysgrifau a roddwyd yn ystod y chwarter hwn

| Cymhwyster | 2017 Ch1 | 2018 Ch1 |
|--|----------|----------|
| Highfield Dyfarniad Lefel 2 mewn Diogelwch Bwyd ym maes Arlwyio (RQF) | 0 | 2,130 |
| Highfield Dyfarniad Lefel 3 Cymorth Cyntaf ar frys yn y Gwaithle (RQF) | 0 | 1,885 |
| QA Level 3 Award in Emergency First Aid at Work (RQF) | 0 | 1,330 |
| City & Guilds Dyfarniad Lefel 2 mewn Sgiliau Llythrennedd Digidol Hanfodol | 390 | 1,270 |
| City & Guilds Dyfarniad Lefel 2 mewn Sgiliau Cymhwyso Rhif Hanfodol | 440 | 985 |
| City & Guilds Level 2 Award in Employment Responsibilities and Rights in Health, Social Care or Children and Young People's Settings | 690 | 760 |
| AoFAQ Level 3 Emergency First Aid at Work (RQF) | 0 | 750 |
| TCL Entry Level Certificate in ESOL International - Speaking and Listening (Entry 3) | 705 | 705 |
| City & Guilds Dyfarniad Lefel 2 mewn Sgiliau Cyfathrebu Hanfodol | 195 | 695 |
| FAA Level 3 Award in Emergency First Aid at Work | 0 | 665 |

Ffynhonnell: Casgliad data cymwysterau galwedigaethol Ofqual gan gyrff dyfarnu

Mae Tabl 5 yn dangos y 10 cymhwyster uchaf o ran y nifer fwyaf o dystysgrifau a roddwyd yn y chwarter diwethaf o gymharu â nifer y tystysgrifau a roddwyd ar gyfer yr un cymwysterau yn yr un chwarter y flwyddyn flaenorol.

Dyfarniad Lefel 2 mewn Diogelwch Bwyd ym maes Arlwyio (RQF) Highfield¹⁰ oedd y cymhwyster y rhoddwyd y nifer fwyaf o dystysgrifau ar ei gyfer yn Ch1 2018, sef 2,130. Mae'r tri chymhwyster â'r nifer fwyaf o dystysgrifau a roddwyd yn rhai newydd neu wedi'u diweddarau gyda'r tystysgrifau cyntaf yn cael eu dyfarnu yn 2017.

¹⁰ Dylid nodi mai fersiwn newydd o Ddyfarniad Lefel 2 mewn Diogelwch Bwyd ym maes Arlwyio (QCF) HABC, a ddaeth i ben yn ystod 2017, yw'r cymhwyster hwn.

Tabl 6: Y 10 cymhwyster uchaf o ran y nifer fwyaf o dystysgrifau a roddwyd yn ystod y 12 mis diwethaf

| Cymhwyster | Ebr 2016 - Maw 2017 | Ebr 2017 - Maw 2018 |
|--|------------------------|------------------------|
| CBAC Tystysgrif Her Sgiliau Sylfaen/Genedlaethol (Bagloriaeth Cymru) | 0 | 23,805 |
| CBAC Bagloriaeth Cymru Cenedlaethol/Sylfaen | 0 | 21,825 |
| CBAC Tystysgrif Her Sgiliau Uwch (Bagloriaeth Cymru) | 0 | 11,330 |
| CBAC Bagloriaeth Cymru Uwch | 0 | 9,195 |
| City & Guilds Dyfarniad Lefel 2 mewn Sgiliau Llythrennedd Digidol Hanfodol | 805 | 5,470 |
| City & Guilds Dyfarniad Lefel 2 mewn Sgiliau Cymhwyso Rhif Hanfodol | 870 | 5,095 |
| Highfield Dyfarniad Lefel 2 mewn Diogelwch Bwyd ym maes Arlwy | 4,505 | 4,500 |
| LIBF Tystysgrif Lefel 2 mewn Gallu Ariannol a Datblygu Gyrfaoedd | * | 4,225 |
| City & Guilds Dyfarniad Lefel 2 mewn Sgiliau Cyfathrebu Hanfodol | 570 | 3,845 |
| Highfield Dyfarniad Lefel 2 mewn Diogelwch Bwyd ym maes Arlwy (RQF) | 0 | 3,810 |

Ffynhonnell: Casgliad data cymhwysterau galwedigaethol Ofqual gan gyrrff dyfarnu

Mae Tabl 6 yn dangos y 10 cymhwyster uchaf o ran y nifer fwyaf o dystysgrifau a roddwyd yn Ch2 2017 – Ch1 2018 o gymharu â Ch2 2016 – Ch1 2017.

Y nifer uchaf o dystysgrifau a roddwyd yn y 12 mis diwethaf oedd tystysgrifau ar gyfer Bagloriaeth Cymru a Thystysgrif Her Sgiliau Bagloriaeth Cymru ar eu newydd wedd¹¹. 2017 oedd y flwyddyn gyntaf y rhoddwyd tystysgrifau ar eu cyfer (gweler [dylanwadau allanol](#) am ragor o wybodaeth).

Ar wahân i Fagloriaeth Cymru a'r Dystysgrif Her Sgiliau ar eu newydd wedd, y cynnydd mwyaf mewn tystysgrifau a welwyd oedd ar gyfer Sgiliau Llythrennedd Digidol Hanfodol Lefel 2 City & Guilds a Sgiliau Cymhwyso Rhif Hanfodol Lefel 2 City & Guilds, a welodd gynnydd o 4,665 a 4,225 o dystysgrifau yn y drefn honno.

¹¹ Cymhwyster sy'n cyfrif tuag at ddyfarnu Bagloriaeth Cymru yn ei chyfanrwydd ar ei ffurf ddiwygiedig yw'r Dystysgrif Her Sgiliau.

RHESTR TERMAU

Cofrestr Ofqual

Cofrestr Cymwysterau Rheoleiddiedig sy'n cynnwys manylion y cymwysterau a'r sefydliadau dyfarnu a reoleiddir gan Ofqual a CCEA Regulation.

Corff dyfarnu

Sefydliad sy'n datblygu cymwysterau, yn nodi ac yn monitro asesiadau ac yn cyflwyno dyfarniadau i ddysgwyr, yn cydnabod y deilliannau dysgu yn ffurfiol (gwybodaeth, sgiliau a/neu gymwyseddau), yn dilyn gweithdrefn asesu a dilysu. Mewn rhannau eraill o'r DU, gelwir y rhain yn Sefydliadau Dyfarnu neu Fyrddau Arholi.

Cydnabyddiaeth corff dyfarnu

Er mwyn cynnig cymwysterau rheoleiddiedig yng Nghymru, mae'n rhaid i gorff dyfarnu gael ei gydnabod gan Cymwysterau Cymru. Mae angen i gyrff dyfarnu gydymffurfio â'n meini prawf cydnabod a gwneud cais am gydnabyddiaeth.

Cymeradwyo cymwysterau/meini prawf cymeradwyo/cymwysterau cymeradwy

Pan gaiff cymhwyster ei restru ar y Rhestr o Gymwysterau Blaenoriaethol rydym yn cyhoeddi meini prawf ar ei gyfer. Cymeradwyo yw ein proses o gymeradwyo cymwysterau o'r fath yn erbyn y meini prawf cymeradwyo. Ni chaiff cymwysterau cymeradwy eu rheoleiddio gan reoleiddwyr cymwysterau eraill yng Nghymru ac maent fel arfer wedi'u llunio'n benodol i ddiwallu anghenion penodol dysgwyr yng Nghymru.

Cymhwyster Galwedigaethol Cenedlaethol

Cymwysterau seiliedig ar gymhwysedd sy'n ymwneud â gwaith sy'n cwmpasu amrywiaeth eang o sectorau diwydiant a galwedigaethau, ac sy'n cael eu cyflwyno yn y gweithle.

Cymhwyster Galwedigaethol

Cymwysterau a ddyfernir gan gorff dyfarnu ac y rhoddir tystysgrif ar eu cyfer, a astudir gan ddysgwyr 14 oed neu'n hŷn, ac sy'n asesu gwybodaeth, dealltwriaeth a/neu sgiliau sy'n ymwneud yn benodol â byd gwaith. Mae'r cymwysterau hyn yn is-set i'r cymwysterau a gynhwysir yn yr ystadegau yn y cyhoeddiad hwn.

Cymwysterau cyffredinol eraill

Cymwysterau sy'n asesu maes pwnc penodol, megis cerddoriaeth neu gelf, heblaw am gymwysterau TGAU, UG a Safon Uwch. Nid yw'r cymwysterau hyn yn ymwneud yn uniongyrchol â gwaith ond gallant gefnogi datblygiad gyrfa. Maent yn aml yn cael eu strwythuro yn erbyn arholiadau graddedig. Mae'r categori hefyd yn cynnwys cymwysterau sy'n cael eu categorioeddio'n dystysgrifau lefel 1/2.

Cymwysterau Cyffredinol

Mae'n disgrifio cymwysterau a gymerir fel arfer gan ddysgwyr yn yr ysgol neu'r coleg fel rhan o'u haddysg statudol neu eu haddysg bellach. Mae hyn yn cynnwys cymwysterau TGAU, UG a Safon Uwch a Bagloriaeth Cymru a chymwysterau eraill sy'n rhannu rhai o'r nodweddion sy'n gyffredin i gymwysterau TGAU a Safon Uwch. CBAC yw prif ddarparwr y cymwysterau hyn yng Nghymru, ond caiff rhai eu cynnig gan gyrff dyfarnu eraill hefyd.

Cymwysterau Dynodedig

Cymwysterau rheoleiddiedig a ddynodir gan Cymwysterau Cymru yn rhai sy'n gymwys i'w defnyddio ar raglenni dysgu a ariennir yn gyhoeddus ar gyfer dysgwyr o dan 19 oed, fel y'u diffiniwyd o dan adran 29 o Ddeddf Cymwysterau Cymru 2015. Rhaid i gymwysterau dynodedig fodloni meini prawf penodol.

Cymwysterau rheoleiddiedig eraill

Y cymwysterau hynny a ddyfernir yng Nghymru gan gyrff dyfarnu cydnabyddedig, nad ydynt wedi'u dynodi na'u cymeradwyo gan Cymwysterau Cymru, ac nad yw cyrff dyfarnu wedi'u hildio na'u heithrio o gwmpas eu cydnabyddiaeth.

Cymwysterau rheoleiddiedig

Pob cymhwyster nad yw'n radd (p'un a yw'n gymhwyster cymeradwy, dynodedig neu fath arall o gymhwyster rheoleiddiedig) a gynigir i'w ddyfarnu gan gorff dyfarnu a gydnabyddir gan Cymwysterau Cymru (oni bai bod corff dyfarnu wedi ildio ei gydnabyddiaeth mewn perthynas â'r cymhwyster hwnnw, neu wedi eithrio'r cymhwyster hwnnw o gwmpas ei gydnabyddiaeth drwy hysbysu Llywodraeth Cymru cyn 21 Medi 2015).

Cymwysterau sy'n ymwneud â galwedigaeth

Cymwysterau seiliedig ar gymhwysedd sy'n ymwneud â gwaith a luniwyd i roi'r sgiliau a'r wybodaeth i fyfyrwyr sydd eu hangen i wneud swydd. Maent yn

gysylltiedig â chyflogaeth ond, yn wahanol i gymwysterau NVQ, nid ydynt o reidrwydd yn gofyn am brofiad nac asesiad yn y gweithle.

Cymwysterau yng Nghymru (QiW)

Cronfa ddata sydd ar gael i'r cyhoedd sy'n cynnig ffynhonnell o wybodaeth am gymwysterau cymeradwy a dynodedig a ddyfernir yng Nghymru.

Chwarter

Mae'n cyfeirio at chwarteri calendr. Mae Chwarter 1 (Ch1) yn cyfeirio at Ionawr – Mawrth, chwarter 2 (Ch2) at Ebrill – Mehefin, chwarter 3 (Ch3) at Orffennaf – Medi, a chwarter 4 (Ch4) at Hydref – Rhagfyr.

Dyddiad diwedd rhoi tystysgrif

Ni ellir dyfarnu cymhwyster i ddysgwyr, fel cymhwyster cymeradwy neu ddynodedig, ar ôl y dyddiad hwn.

Fframwaith Credydau a Chymwysterau

Fframwaith, sydd wedi dod i ben erbyn hyn, ar gyfer cymwysterau sy'n cynnwys unedau a chymwysterau mewn tri maint. Dyfarniadau (1-12 credyd), tystysgrif (13-36 credyd) a diplomâu (37 credyd neu fwy).

Ildio Cydnabyddiaeth

Gall cydnabyddiaeth ddod i ben pan fo corff dyfarnu yn penderfynu ildio cydnabyddiaeth yn rhannol neu'n llawn. Gall cyrff dyfarnu cydnabyddedig ildio *rhan* o'u cydnabyddiaeth drwy hysbysu Cymwysterau Cymru am gymwysterau, neu ddisgrifiadau o gymwysterau, yr hoffent eu cynnig fel cymwysterau nas rheoleiddir. Yn yr achosion hyn, ni all y cymwysterau nas rheoleiddir gynnwys logo Cymwysterau Cymru ar y tystysgrifau a roddir i ddysgwyr.

Lefel y Cymhwyster

Lefel y cyrhaeddiad y mae cymhwyster yn ei gynrychioli fel y'i diffiniwyd gan Fframwaith Credydau a Chymwysterau Cymru. Mae Fframwaith Credydau a Chymwysterau Cymru (FfCCh Cymru) wedi'i gysoni â Fframwaith Cymwysterau Ewrop (FfCE). Mae hyn yn golygu y gellir cymharu lefel cymhwyster a enillir yng Nghymru â lefel yn yr FfCE. Mae hyn yn helpu pobl a sefydliadau i drosglwyddo cyflawniadau rhwng gwledydd a gweithio ledled yr Undeb Ewropeaidd.

Maes Is-Sector

Mae meysydd pwnc sector yn gyfres o gategorïau sy'n seiliedig ar sectorau diwydiant a phynciau academaidd a ddefnyddir i ddsbarthu cymwysterau e.e. gallai cymhwyster berthyn i gategori Gwyddoniaeth a Mathemateg neu Iechyd, Gwasanaethau Cyhoeddus a Gofal.

Maes Pwnc Is-sector (categori Pwnc Sector gynt)

Meysydd is-sector yw'r ail haen o gategorïau sy'n seiliedig ar sectorau diwydiant a phynciau academaidd a ddefnyddir i ddsbarthu cymwysterau.

Math o Gymhwyster

Mae mathau o gymhwyster yn cyfeirio at grwpiau o gymwysterau sydd wedi cael eu datblygu i fodloni gofynion dylunio cyffredin. Efallai na fydd gofynion dylunio ar gyfer rhai mathau o gymhwyster yn weithredol mwyach, megis cymwysterau'r Fframwaith Cymwysterau a Chredydau (a luniwyd i fodloni gofynion y Fframwaith Cymwysterau a Chredydau).

Tystysgrif/Tystysgrif a roddwyd

Cydnabyddiaeth ffurfiol o gyflawniad myfyriwr. Bydd yn cynnwys unrhyw ddyfarniad nad yw wedi ei raddio'n U, yn absennol neu'n X (methu).

NODIADAU CEFNDIR

Statws

Ar 21 Tachwedd 2017, cymeradwyodd Cynulliad Cenedlaethol Cymru Orchymyn Ystadegau Swyddogol (Cymru) 2017 a enwodd Cymwysterau Cymru yn un o'r cyrff sydd o fewn cwmpas Deddf Ystadegau a'r Gwasanaeth Cofrestru 2007. Wrth i ni bontio tuag at gasglu a chyhoeddi ein data ein hunain, rydym yn cydymffurfio â'r Cod Ymarfer yn wirfoddol. Mae i'r ystadegau hyn statws 'ystadegau arbrol'. Cyhoeddwyd datganiad o gydymffurfiaeth wirfoddol ochr yn ochr â'r datganiad hwn.

Ffynhonnell Data

Mae'r cyrff dyfarnu wedi cyflwyno nifer y tystysgrifau a roddwyd ar gyfer pob cymhwyster galwedigaethol neu gymhwyster arall yn Chwarter 1 2018 (Ionawr - Mawrth 2018) i Ofqual. Dim ond ar gyfer canolfannau sydd wedi'u lleoli yng Nghymru y mae'r tystysgrifau a roddwyd, ni waeth pa fath o ganolfan ydyw. Nid yw'n cynnwys y Dyfarniad Estynedig Uwch, cymwysterau TGAU, UG a Safon Uwch na

chymwysterau prosiect a chymwysterau prif ddysgu. Mae nifer y tystysgrifau a roddwyd ar gyfer y cymwysterau hyn ar gael ar wefan y Cyd-bwyllgor Cymwysterau.

Cafodd data sy'n ymwneud â Chwarter 4 2017 eu casglu a'u hadrodd gan Ofqual. Caiff data ar gyfer Chwarter 4 2017 ymlaen eu casglu gan Ofqual a'u rhoi i ni ar gyfer yr adroddiad hwn i Gymru.

Mae data ar gymwysterau cymeradwy neu ddynodedig a gynigir yng Nghymru ar gael yng nghronfa ddata Cymwysterau yng Nghymru (QiW)¹².

Mae data ar gymwysterau a reoleiddir gan Ofqual ar gael ar gofrestr Ofqual.¹³

Methodoleg

Mae nodweddion cymwysterau, megis ardal sector pwnc a lefel, a gynhwysir yn y datganiad hwn yn seiliedig ar gofrestr Ofqual a chronfa ddata QiW ar 04/05/18 ar gyfer y dadansoddiad a geir yn yr adroddiad hwn. Mae templed Ofqual yn caniatáu i gyrff dyfarnu gyflwyno data ar gyfer yr un cymhwyster yn erbyn rhif QiW, QAN neu gyfran yn erbyn y ddau i Gymru. Lle mae gyrff dyfarnu wedi cyflwyno data i Ofqual gan ddefnyddio rhif QiW, caiff nodweddion y cymhwyster eu tynnu o gronfa ddata QiW, a lle mae gyrff dyfarnu yn cyflwyno data gan ddefnyddio QAN, caiff nodweddion y cymhwyster eu tynnu o gofrestr Ofqual.

Mewn rhai achosion, bydd y nodweddion a ddelir ar gronfa ddata QiW ar gyfer cymhwyster yn wahanol i'r nodweddion a ddelir ar gofrestr Ofqual ar gyfer yr un cymhwyster. Yn yr achosion hyn, os yw tystysgrifau a roddwyd ar gyfer cymhwyster wedi cael eu cofnodi yn erbyn ei ddynodydd QiW a QAN, caiff yr un cymhwyster ei gofnodi o dan ddau gategori nodweddiadol gwahanol.

Mae'r adroddiad hwn yn cynnwys data hanesyddol am y pum mlynedd diwethaf. Lle mae cymwysterau yn dal yn fyw ar y cofrestrau, bydd y data hanesyddol a gyhoeddwyd yn yr adroddiad hwn yn dangos y nodweddion hyn fel ag y maent ar y diwrnod y cafodd yr adroddiad ei redeg (04/05/18) ar gyfer y chwarter diwethaf. Os nad yw'r cymhwyster yn fyw mwyach, caiff y nodweddion diweddaraf a gofnodwyd ar gyfer y cymhwyster hwnnw ar y cofrestrau eu nodi. Mae hyn yn unol â methodoleg Ofqual.

Cwmpas Daeryddol

Mae'r datganiad hwn yn cyflwyno data ar nifer y tystysgrifau a roddwyd ar gyfer cymwysterau galwedigaethol a chymwysterau eraill ar gyfer chwarter 1 (Ionawr-Mawrth 2018) ar gyfer canolfannau sydd wedi'u lleoli yng Nghymru. **Nid** yw'r

¹² Gweler <https://www.qiw.wales/?lang=cy>

¹³ Gweler <https://register.ofqual.gov.uk/>

datganiad hwn yn cynnwys cymwysterau galwedigaethol na chymwysterau eraill sy'n cael eu sefyll y tu allan i Gymru, na thystysgrifau a roddwyd ar gyfer cymwysterau TGAU, UG, Safon Uwch, Dyfarniad Estynedig Uwch, cymwysterau prosiect na chymwysterau prif ddysgu.

Cyfyngiadau'r data

Ar hyn o bryd mae Ofqual yn casglu data i Gymru ar ein rhan. Yn ei nodiadau cefndir mae'n disgrifio cyfyngiadau'r data:

"Data are collected at the earliest point available, which is the first day of the next reporting period. This reduces the time between the activity and reporting on the activity.

The main source of potential error is in the information provided by awarding bodies. Ofqual cannot guarantee the number of certificates submitted is correct and there may be systematic bias when the information is sent, although awarding organisations are expected to provide the correct data. Ofqual compares the data over time and checks for systematic issues. Summary data are then sent back to awarding organisations to be checked and confirmed. The figures reported in this release reflect the certificates issued by awarding organisations at the time of data collection."

Yn ddiweddar iawn, mae Ofqual wedi tynnu cydnabyddiaeth The Awarding Body for Vocational Achievement (AVA) Ltd (sy'n masnachu fel BAA) yn ôl. Gweler y [dudalen hon](#) am ragor o fanylion. Fel rhan o'r ymchwiliad a gynhaliwyd cyn i'r penderfyniad gael ei wneud, canfuwyd bod AVA wedi bod yn darparu data anghywir ar y tystysgrifau a roddwyd i Ofqual. Nid yw'n mynd i fod yn ymarferol casglu data wedi'u cywiro gan AVA ond gwyddys mai cywiriadau bach ydynt. Mae AVA wedi rhoi nifer fach iawn o dystysgrifau (tua 15 yn y pum mlynedd diwethaf yn ôl y data presennol), felly nid yw'r gwallau hyn yn cael effaith sylweddol ar dueddiadau cyffredinol yn y data. Felly, rydym wedi cynnwys data presennol AVA fel ag y maent yn y datganiad ystadegol hwn.

Cymariaethau

Cafodd y data hyn eu casglu yn yr un ffordd gan Ofqual ag mewn chwarteri blaenorol. Mae Ofqual yn rhagboblogi ei ffurflenni casglu data â chymwysterau o'i chofrestr ac o'n cronfa ddata, QiW. Ar gyfer y cyhoeddiad hwn rydym wedi dileu cymwysterau gan gyrff dyfarnu nad ydym yn eu cydnabod. Rydym wedi gwneud hyn am y pum mlynedd diwethaf a gynhwysir yn y cyhoeddiad hwn a'u tablau data cyfatebol. Lle mae corff dyfarnu wedi ildio cydnabyddiaeth ar ddechrau chwarter (e.e. 1 Ionawr) mae'r data ar gyfer y corff dyfarnu hwnnw wedi cael eu dileu o'r chwarter

hwnnw ymlaen. Lle mae corff dyfarnu wedi ildio cydnabyddiaeth rhan o'r ffordd drwy chwarter, mae'r data ar gyfer y chwarter hwnnw wedi'u cynnwys, ac mae'r corff dyfarnu wedi cael ei ddileu o'r data o'r chwarter dilynol ymlaen. Mewn nifer fach o achosion, mae corff dyfarnu wedi ildio cydnabyddiaeth ac yna wedi cael ei gydnabod eto yn ddiweddarach. Yn yr achosion hyn, dim ond lle nad oedd y corff dyfarnu wedi'i gydnabod ar gyfer y chwarter cyfan y mae'r data wedi cael eu hepgor.

Felly, mae'n bosibl na fydd chwarteri hanesyddol a chyfansymiau blwyddyn yn cyfateb i'r hyn a gyhoeddir gan Ofqual. Mae'r tabl isod yn dangos effaith hyn ar gyfansymiau ar gyfer pob chwarter:

| Chwarter | 2012.4 | 2013.1 | 2013.2 | 2013.3 | 2013.4 | 2014.1 | 2014.2 | 2014.3 | 2014.4 | 2015.1 |
|--|---------------|---------------|---------------|---------------|---------------|---------------|---------------|---------------|---------------|---------------|
| Nifer y tystysgrifau a gafodd eu dileu | 90 | 45 | 110 | 230 | * | 55 | 110 | 75 | 105 | 0 |
| Cyfanswm canrannol y tystysgrifau | 0.15% | 0.05% | 0.06% | 0.07% | 0.00% | 0.05% | 0.06% | 0.03% | 0.16% | 0.00% |

| Chwarter | 2015.2 | 2015.3 | 2015.4 | 2016.1 | 2016.2 | 2016.3 | 2016.4 | 2017.1 | 2017.2 | 2017.3 |
|--|---------------|---------------|---------------|---------------|---------------|---------------|---------------|---------------|---------------|---------------|
| Nifer y tystysgrifau a gafodd eu dileu | 0 | 20 | 280 | 265 | 130 | 215 | 215 | 245 | 225 | 180 |
| Cyfanswm canrannol y tystysgrifau | 0.00% | 0.01% | 0.47% | 0.31% | 0.11% | 0.09% | 0.36% | 0.45% | 0.27% | 0.08% |

Yn achos dwy bartneriaeth rhwng cyrff dyfarnu – CBAC-EDEXCEL a Pearson EDI – gwyddom na chafodd eu cydnabyddiaeth ei throsglwyddo i Cymwysterau Cymru ar adeg ei sefydlu ym mis Awst 2015. Ni ddyfarnodd CBAC-EDEXCEL unrhyw dystysgrifau ar ôl Ch3 2013, a gwelodd Pearson EDI leihad mawr yn nifer y tystysgrifau o Ch2 2015 ymlaen. Yng ngoleuni'r tueddiadau a ddisgrifir, mae data ar gyfer y partneriaethau hyn wedi cael eu cynnwys hyd at a chan gynnwys Ch3 2015 (h.y. hyd at adeg sefydlu Cymwysterau Cymru) ac nid ydynt wedi cael eu cynnwys ar ôl yr adeg hon. Mae'r tabl isod yn dangos y data ar gyfer y cyrff dyfarnu hyn – mae'r ffigurau sydd wedi'u tywyllu wedi cael eu dileu o'r data ar gyfer y datganiad hwn:

| Chwarter | 2012.4 | 2013.1 | 2013.2 | 2013.3 | 2013.4 | 2014.1 | 2014.2 | 2014.3 | 2014.4 | 2015.1 |
|----------------------------------|---------------|---------------|---------------|---------------|---------------|---------------|---------------|---------------|---------------|---------------|
| Tystysgrifau Pearson EDI | 1210 | 1415 | 1835 | 1050 | 1385 | 1480 | 1745 | 1905 | 1205 | 1085 |
| Tystysgrifau WJEC-EDEXCEL | 0 | 0 | 0 | 0 | 0 | 0 | 0 | 0 | 0 | 0 |

| Chwarter | 2015.2 | 2015.3 | 2015.4 | 2016.1 | 2016.2 | 2016.3 | 2016.4 | 2017.1 | 2017.2 | 2017.3 |
|----------------------------------|---------------|---------------|---------------|---------------|---------------|---------------|---------------|---------------|---------------|---------------|
| Tystysgrifau Pearson EDI | 345 | 420 | 205 | 140 | 45 | 30 | 10 | 0 | 0 | 0 |
| Tystysgrifau WJEC-EDEXCEL | 0 | 0 | 0 | 0 | 0 | 0 | 0 | 0 | 0 | 0 |

Sicrhau ansawdd

Mae Ofqual yn casglu'r data hyn ac yn sicrhau eu hansawdd ar ein rhan. Cynhelir gweithdrefnau sicrhau ansawdd Ofqual fel y'u hesbonnir yn y Fframwaith Sicrhau Ansawdd ar gyfer Cyhoeddiadau Ystadegol¹⁴ a gyhoeddwyd gan Ofqual er mwyn sicrhau cywirdeb y data a'u herio neu eu hamau, lle y bo angen. Ceir rhagor o wybodaeth hefyd yn nodiadau cefndir datganiad chwarterol Ofqual am gymwysterau galwedigaethol a chymwysterau eraill¹⁵.

Gellir gohirio cyhoeddi os nad yw'r ystadegau yn cael eu hystyried yn addas at y diben.

Diwygiadau

Unwaith y byddant wedi'u cyhoeddi, nid yw data ar nifer y tystysgrifau a roddwyd ar gyfer cymwysterau galwedigaethol fel arfer yn cael eu diwygio, er y gall datganiadau dilynol gael eu diwygio i gynnwys data hwyr neu gywiro gwall.

Talgrynnu a Chyfrinachedd

Er mwyn diogelu cyfrinachedd, ac yn unol â pholisi interim allbynnau ystadegol Cymwysterau Cymru, caiff ffigurau sy'n llai na 5 ond yn fwy na 0 eu disodli gan *, a hynny er mwyn sicrhau nad yw'r data yn datgelu ymgeisydd unigol. Talgrynnir pob ffigur ar gyfer nifer y tystysgrifau a roddwyd. Yn y sylwadau a'r tablau, maent wedi'u talgrynnu i'r 5 agosaf. Mae'r holl ganrannau o fewn y sylwadau yn seiliedig ar ffigurau gwirioneddol. Mae'r ffigurau wedi'u talgrynnu'n annibynnol ac felly mae'n bosibl na fyddant yn symio i'r cyfanswm.

Defnyddwyr yr ystadegau hyn

Mae'r ystadegau hyn yn debygol o fod o ddiddordeb i Cymwysterau Cymru, Ofqual, cyrff dyfarnu a Llywodraeth Cymru. Rydym yn croesawu adborth gan ddefnyddwyr, felly rydym yn disgwyl cael gwell dealltwriaeth o bwy yw ein defnyddwyr dros amser. Mae Cymwysterau Cymru yn defnyddio'r ystadegau hyn i lywio dealltwriaeth o batrymau rhoi tystysgrifau, a helpu i fonitro cymwysterau galwedigaethol.

Ystadegau a chyhoeddiadau cysylltiedig

Mae Ofqual yn cyhoeddi ystadegau ar gymwysterau galwedigaethol i Loegr¹⁶.

¹⁴ Gweler https://www.gov.uk/government/uploads/system/uploads/attachment_data/file/562258/Ofqual-2016-10-04-quality-assurance-framework-for-statistical-publications.pdf

¹⁵ Gweler <https://www.gov.uk/government/collections/statistics-vocational-qualifications>

¹⁶ Gweler <https://www.gov.uk/government/collections/statistics-vocational-qualifications>.

Gwybodaeth ddefnyddiol

Mae rhestr termau ar gael ar dudalen 14 i'ch helpu i ddehongli'r datganiad hwn. Ceir gwybodaeth am gyhoeddiadau yn y dyfodol ar wefan Llywodraeth Cymru¹⁷.

Mae cronfa ddata QiW¹⁸ yn rhoi gwybodaeth am gymwysterau cymeradwy a dynodedig sy'n gymwys i gael arian cyhoeddus yng Nghymru.

Y diweddariad nesaf

Medi 2018 (dros dro).

Adborth gan ddefnyddwyr

Rydym yn croesawu adborth ar unrhyw agwedd ar yr ystadegau hyn y gellir ei ddarparu drwy e-bost i statistics@qualificationswales.org

(h) (2018) Rhoddir caniatâd i'w atgynhyrchu ar yr amod y cyfeirir at Cymwysterau Cymru fel y ffynhonnell wreiddiol.

¹⁷ Gweler <http://gov.wales/statistics-and-research/?upcoming=true&lang=cy>

¹⁸ Gweler <https://www.qiw.wales/?lang=cy>